

ԲԻՈԼՈԳԻԱԿԱՆ ԳԻՏՈՒԹՅՈՒՆՆԵՐԻ ԹԵԿՆԱԾՈՒ Հ. ՊՈՂՈՍՅԱՆԻ ԵԼՈՒՑԹԻՑ

Ընկերնե՛ր: Ընկ. Բաբաջանյանն իր զեկուցման մեջ, և ելույթ ունեցող մյուս ընկերները միանգամայն ճիշտ կերպով խիստ քննադատության ենթարկեցին մեզ մոտ մենդել-մորգանյան ուղղութիւնը, քրոմոզոմային տեսության կողմնակիցների աշխատութիւնները, ինչպես նաև իմ դիսերտացիոն աշխատանքը և մանկավարժական գործունեութիւնն այդ ուղղութիւնում:

Իմ դիսերտացիայի նպատակն էր պարզել Գ. Ֆինկլըրի գնական պոպուլյացիաներում տարված քրոմոզոմային, ստրուկտուրային փոփոխութիւնները և միջավայրի էկոլոգիական ֆակտորների դերը (տեմպերատուրա, խոնավութիւն, տեղի բարձրութիւնը ծովի մակերևութից) ներանց տարածման գործում: Իմ այս աշխատանքի մեջ ես զարգացրել եմ այն միտքը, որ կարիոտիպի էվոլուցիան կապված է քրոմոզոմային ստրուկտուրային փոփոխութիւնների հետ, հետևապէս հենվել եմ քրոմոզոմային տեսության վրա, որն այստեղ իրավամբ քննադատության ենթարկվեց: Ահա իմ աշխատանքի հիմնական սխալը, որն արտահայտվել է նաև իմ մանկավարժական գործունեության մեջ:

Իմ գիտական աշխատանքը զուտ տեսական է եղել ու գյուղատնտեսական պրակտիկայից կտրված. և իրավացիորեն այն այժմ քննադատվում է:

Միանգամայն ազնվորեն և բոլշևիկյան գիտակցութեամբ ընդունում եմ իմ գիտական ու մանկավարժական գործունեության նկատմամբ սեսիայում առաջադրված սկզբունքային մեղադրանքները, լրիվ կերպով միանում եմ սեսիայի որոշումներին, որը հանդիսանում է մեր պարտիայի գիծը բիոլոգիական գիտութեան մեջ: Պատրաստ եմ ամբողջովին վերակառուցել իմ աշխատանքները, վերացնելով սխալներս, գինվել մարքս-լենինյան թեորիայով և պայքարել սովետական առաջավոր բիոլոգիական գիտութեան՝ միլլերինյան գիտութեան տարածման համար, շխնայելով իմ ուժերը սովետական լիարժեք կադրերի պատրաստման ու մեր ժողովրդական տնտեսության հետագա զարգացման համար:

(Հարց.— Եթե Ձեր աշխատութիւնը «զուտ տեսական է», ապա ինչո՞ւ է անհրաժեշտ վերակառուցել այդ բոլորը):

— Որովհետև նախ ես ասացի, թե իմ աշխատութիւնը չէր կապված գյուղատնտեսական պրակտիկայի հետ, իսկ հիմա գտնում եմ, որ զուտ թեորետիկական է, որովհետև չեմ կարողացել կապել այն գյուղա-

տնտեսական պրակտիկայի հետ և այսօր գտնում եմ ճիշտ, որ քննադատում եմ:

(Բաբաջանյան.— Դուք իմ հարցին չեք պատասխանում, դուք ասում եք, որ ձեր հետազոտութիւնը մաքուր տեսական է, իսկ մենք ասում ենք, որ ձեր զարգացրած տեսութիւնը հակադիտական է: Դրա մասին է խոսքը: Սխալները պետք է ճիշտ խոստովանել):

— Ես ասացի, որ ընդունում եմ իմ սխալները: Եթե ինձ թույլ կտրվի, մի քանի խոսք կա՞նք իմ մանկավարժական աշխատանքի մասին: Ինչպես երեկ ընկ. Բատիկյանն ասաց, մեր դասագրքերը, ոտոնք դեռ կան հրապարակի վրա, ամբողջապես մենդելյան-մորգանյան շկոլայի դասագրքեր են: Գրիշկոյի գիրքը, որը նույնպես չի համապատասխանում այսօրվա պահանջներին, այնուամենայնիվ օգտագործվել է մեր ուսանողների կողմից: Մենք, 1937 թվից սկսած, գենետիկայի ծրագիր չենք ստացել, դա նույնպես խոչընդոտ է հանդիսացել: Մասամբ իմ աշխատանքի բնույթը, ինչպես ասացի, այնպիսին է եղել, որ ազդել է իմ մանկավարժական աշխատանքների վրա: Ինչ վերաբերում է միլլերինյան ուսմունքին, ես պրոպագանդա եմ արել, դասախոսութիւնների ժամանակ անցել եմ այն լրիվ կերպով առանց նրա թեզերը կասկածի ենթարկելու:

ԽՄԲԱԿՐՈՒԹՅԱՆ ԿՈՂՄԻՑ.— Ընկ. Հ. Պողոսյանի ելույթը ցույց է տալիս, որ նա դեռ լրիվ եզրակացութիւններ չի հանել և դեռևս չի հրաժարվել իր տեսակետներից, հակառակ իր հայտարարութեան, թե ընդունում է իր սխալները, հրաժարվում հակամիլլերինյան, իդեալիստական տեսակետներից բիոլոգիայի հարցերում: Այլ կերպ չի կարելի բացատրել նրա այն հայտարարութիւնը, թե ինքը զբաղվել է «մաքուր տեսական հետազոտութեամբ»: Մինչդեռ բոլորի համար պարզ է, թե ինչ է նշանակում այսպես կոչված «մաքուր տեսութիւնը», որ դա ոչ այլ ինչ է, եթե ոչ սովետական գիտնականի միանգամայն խորթ տեսակետ գիտութեան նկատմամբ և որ այդ «մաքուր տեսութիւնը» փաստորեն նշանակում է կեղծ, հակադիտական տեսութիւն:

Ահա ինչու ընկ. Հ. Պողոսյանի ապոլիտիկ ելույթը ոչ մի կերպ չբավարարեց սեսիայի մասնակիցներին, որոնք նրանից սպասում էին սովետական գիտնականին արժանի անկեղծութեամբ մրնչել վերջ ընդունել իր սխալները: